

Cov Kev Kawm Ntawv Dawb Rau Cov Pej Xeem Uas Txhua Tus Tub Kawm Ntawv Hauv Kaslisfausnias Tsim Nyog Tau

Cov Kev Kawm Ntawv Dawb Rau Cov Pej Xeem Uas Txhua Tus Tub Kawm Ntawv Hauv Kaslisfausnias Tsim Nyog Tau
 yog ib daim ntawv uas Lub California Teachers Association (Kaslisfausnias Pab Kws Qhia Ntawv) tau tshawb fawb los qhia txog cov tswv yim siv los qhia ntawv uas yuav pab kom tus tub kawm ntawv kawm tau zoo zog tuaj thiab kawm tau zoo dua, nws tseem ceeb heev rau tagnrho Kaslisfausnias 9 lab tus tub kawm ntawv, los tsim kom tau cov zej zog khov kho, thiab pab kom cov kev kawm ntawv dawb rau cov pej xeem yog lub hauv paus uas tseem ceeb tshaj plaws rau peb tebchaws kev ywj pheej. Daim ntawv no yog los ntawm txoj kev tshawb fawb rau kev kawm ntawv thiab cov lus uas los ntawm tsheej phav tus neeg qhia ntawv thiab cov neeg hauv hauv lub zej zog.

Txoj Kev Kawm Ntawv Dav

Peb yuav tau siv nyiaj los pab kom cov tub kawm ntawv kawm kom tau ntawv ntawv tshaj qhov uas peb yuav pab nyiaj rau cov kev xeem ntawv. Peb yuav tau siv nyiaj kom peb paub tseeb tias txhua tus tub kawm ntawv thiab tsev kawm ntawv muaj cov hoob qhia txog kev kos duab, kev hu lossis ntau nkauj, kev ua yeeb yam, kev seev cev, kev qoj ib ce, thiab cov hoob uas pab qhia txog kev ua haujlwm. Txhua tus tub kawm ntawv yuav tsum mus kawm kom tau lwm hom lus, muaj ntawv hom hoob kawm rau laww los xaiv thiab muaj cov hoob rau cov tub kawm ntawv uas kawm tau keej zog. Txhua lub tsev kawm ntawv yuav tsum muaj lub tsev khaws ntawv nyeem nrog cov neeg ua haujlwm hauv. Thaum peb mob siab tsom ntsoov rau cov kev xeem ntawv xwb nws ua rau peb txoj kev vam thiab txoj kev kawm tsawg zog tuaj. Peb yuav tau cia cov kws qhia ntawv siv lawv cov kev txawj ntse raws li lawv xav kom nws haum rau ntawv hom tub kawm ntawv txaww.



Nws Tseem Ceeb Heev Tias Seb Peb Muaj Ntau Tus Tub Kawm Ntawv Npaum Li Cas Hauv Ib Hoob

Kaslisfausnias cov hoob kawm ntawv muaj cov tub kawm ntawv ntawv tshaj plaws piv rau lwm lub xeev hauv tebchaws no, qhov ntawd cuam tshuam peb cov tub kawm ntawv lub peev xwm los kawm ntawv thiab txoj kev loj hlob ntawm kev kawm ntawv. Cov hoob uas muaj tsawg tsawg tus tub kawm ntawv yuav pab tau kom cov kws qhia ntawv muaj sijhawm ntawv zog los qhia ib tug zuj zus, nws yuav pab tau tus tub kawm ntawv kawm tau zoo zog – nws yim huab pab tau cov tub kawm ntawv uas yog hom haiv neeg tsawg thiab cov uas kawm Lus Askiv – thiab nws yuav muab sijhawm ntawv zog rau lawv los tham nrog lwm cov kws qhia ntawv thiab cov tsev neeg.



Txoj Kev Mus Kawm Kom Tau Preschool

Txoj kev kawm ub kawm no pib ua ntej cov tub kawm ntawv pib qib qis (kindergarterten). Txhua tus menuam hauv Kaslisfausnias tsim nyog los txais txoj kev kawm ntawv uas zoo tshaj plaws thaum ntxov.

Chaw Kawm Ntawv thiab Kev Qhia Ntawv Kom Nyab Xeeb

Cov tub kawm ntawv yuav tsum tau kawm ntawv hauv cov tsev kawm ntawv uas nyab xeeb, raug tu xyuas kom zoo thiab txhua tus yuav tau hwm cov neeg uas mus kawm ntawv thiab ua haujlwm tod.

Qhia Txhua Tus Tub Kawm Ntawv

Cov kev coj kom zoo, coj kom ncaj ncees thiab coj kom haum ntau hom haiv neeg yog Yam uas puab peb cov kev qhia ntawv dawb rau cov pej xeem hauv Kaslisfausnias. Peb tus menuam txoj kev vam meej yuav tsum tsis txhob yog vim tias seb lawv puas nyob rau hauv lub zip code zoo lossis tsis zoo. Cov niam txiv thiab cov neeg qhia ntawv yeej pom tias lawv txawv qhov twg thiab lawv yuav mob siab los nrhiav lwm cov kev pab ntxiv rau cov tub kawm ntawv thiab cov tsev kawm ntawv uas yuav tsum tau kev pab ntau zog.

Ua Ib Tug Los Coj Txoj Haujlwm No

Cov neeg qhia ntawv mob siab los pab kom txhua tus tub kawm ntawm tiav, peb yuav tau quhuas lawv txoj kev txawj thiab lawv lub luag haujlwm los tsim kom tau qhov zoo tshaj plaws rau cov tub kawm ntawv thiab rau lawv txoj haujlwm. Cov kws qhia ntawv yuav tsum tau ib lub sijhawm los tsim nws txoj kev qhia ntawv, sijhawm los npaj tias lawv uav qhia ntawv li cas thiab mus koom tes nrog lwm cov tib neeg uas nws ua haujlwm nrog thiab mus tham seb txoj kev qhia ntawv twg yog txoj zoo tshaj plaws los qhia ntawv, cov nqe kawm, cov kev sim thiab cov kev kuaj ntsuas. Cov neeg qhia ntawv yuav tsum tau nyiaj tib yam li lwm cov uas kawm tag ntau npaum li nws thiab raws li cov uas tau ua haujlwm ntev npaum li nws kom lawv txaus siab thiab kom peb tuav tau cov neeg qhia ntawv zoo txaus ntxiv mus rau peb cov tub kawm ntawv.

Kev Koom Tes Los Ntawm Cov Tsev Neeg thiab Cov Neeg Uas Nyob Hauv Lub Zej Zog



Cov niam txiv thiab cov tsev neeg tseem ceeb heev rau tus menuam txoj kev kawm ntawv. Cov neeg qhia ntawv yuav tsum muaj sijhawm los tham nrog cov niam txiv kom tsim tau tib lub hom phiaj rau cov tub kawm ntawv txoj kev kawm. Cov tsev kawm ntawv dawb yuav tsum yog ib lub chaw kawm rau lub zej zog thiab cov neeg laus.

Cov Kev Pab Txoj Kev Noj Qab Haus Huv thiab Cov Kev Pab Txhawb

Kaslisfausnias yog lub xeev uas nyob hauv qab kawg nkaus thaum hais txog tias seb peb muaj puas tsawg tus kws qhuab ntuas, tus kws tu neeg mob thiab cov kws tuav ntawv (social worker) rau ib tug tub kawm ntawv. Cov kev kho mob, nrog rau cov kev kho qhov muag thiab kho kaus hniav, yog ib yam uas tseem ceeb heev los pab kom cov tub kawm ntawv npaj tau los kawm ntawv thaum lawv mus txog rau tom tsev kawm ntawv. Lawv yuav tsum muaj cov kev pab cuam muab su dawb lossis pheej yig thiab cov kev thauj mus los dawb rau txhua tus tub kawm ntawv uas yuav tsum tau cov ntawd. Kaslisfausnias cov tsev kawm ntawv yuav tsum muaj cov kws qhuab ntuas, cov kws tu neeg mob thiab lwm cov kws txawj pab txhawb txog kev kawm ntawv li ntawd lawv thiaj li muab tau txhua yam uas cov tub kawm ntawv yuav tsum tau.

Kev Kawm Ntawv Uas Muaj Nyiaj Txaus Los Pab

Kev kawm ntawv dawb rau lub zej zog yog ib yam uas pab kom lub tebchaws txoj kev ywj pheej sib haum thiab nws yog lub hauv paus. Kaslisfausnias yog thib yim thaum hais txog kev khvw nyiaj kev lag kev luam loj tshaj plaws hauv lub ntiaj teb, tiamsis nws tseem poob qab thaum hais txog txoj kev nrhiav nyiaj los pab kawm ntawv rau ib tug tub kawm ntawv raws li tau ntsuas lwm cov hauv tebchaws. Thaum peb pab nyiaj rau cov kev kawm ntawv dawb rau cov pej xeem qhov ntawd yog los pab txhawb peb lub neej rau yav tom ntej.



Txoj Kev Mus Txais Kev Kawm Ntawv Qib Siab thiab Mus Nrhiav Kom Tau Haujlwm

Txhua tus tub kawm ntawv tsim nyog mus kawm ntawv qib siab kom pheej yig. Thiab cov tub kawm ntawv yuav tsum txais kom tau cov kev pab cuam uas pab nrhiav haujlwm thiab pab qhia ua haujlwm, thiab lwm cov kev kawm uas yuav pab npaj tau lawv mus ua haujlwm.